

25. maí 1987

Trúnaðarmál

Kvennalistinn

MARKMIÐ RÍKISSTJÓRNARINNAR

(tillaga í stjórnarmyndunarviðræðum 1987)

Fyrsta og stærsta verkefni nýrrar ríkisstjórnar er að tryggja öllum þeumum þjóðfélagsins tekjur sem duga til framfærslu. Ríkisstjórnin mun vinna sérstaklega að því að styrkja stöðu fjölskyldunnar, bæta kjör kvenna og barna og auka áhrif kvenna á öllum sviðum þjóðlífssins.

Annað meginverkefni ríkisstjórnarinnar verður tiltekt í ríkisbúskapnum, hagræðing, sparnaður og gagnger endurskoðun tekjuöflunar ríkissjóðs. Áhersla verður lögð á stórefldar skattrannsóknir og eftirlit sem sérstaklega beinist að undandrætti undan söluskatti. Allar aðgerðir verða að hafa það að meginmarkmiði að dreifa byrðunum réttlátlega og jafna og bæta félagslega þjónustu.

Menntun, menning og rannsóknarstarfsemi verði efld, enda er það sá grunnur sem þjóðfélag framtíðarinnar byggist á.

Valddreifing í stjórnkerfinu verði aukin. Fjárhagslegt sjálfstæði sveitarfélaga verði tryggt.

Óhjákvæmilegt er að gera átak til virkari og hagkvæmari stjórnunar umhverfismála í einu ráðuneyti.